

## 1-ին տարբերակ

Աստրիդ Լինդգրեն

Մանչուկն ու Կառլսոնը (հատված)

Եկավ ամառը: Դպրոցում դասերը վերջացան, և Մանչուկի ծնողները պատրաստվեցին նրան ուղարկել գյուղ՝ տատիկի մոտ: Բայց մինչև մեկնելը պետք է տեղի ունենար մի կարևոր իրադարձություն. լրանում էր Մանչուկի ութ տարին: Օ՛, որքան երկար էր Մանչուկը սպասել իր ծննդյան տարեդարձին: Համարյա այն օրից, ինչ լրացել էր նրա յոթ տարին:

Այդ հանդիսավոր օրվա նախօրյակին Մանչուկը մի խոսակցություն ունեցավ Կառլսոնի հետ:

- Վաղն իմ ծննդյան օրն է, - ասաց Մանչուկը, - Գունիլլան ու Քրիստերը գալու են մեր տուն և մեզ համար իմ սենյակում սեղան կբացեն:

Մանչուկը լռեց, նրա տեսքը մռայլ էր:

- Ես շատ կցանկանայի քեզ էլ հրավիրել, - շարունակեց նա, - բայց մայրիկը...

Կառլսոնը ներքնի շուրթն այնպես կախեց, ինչպես երբեք չէր արել:

- Եթե դու ինձ չհրավիրես, կխոսվեմ: Ես էլ եմ ուզում զվարճանալ:

- Դե լավ, դու էլ արի, - շտապեց ասել Մանչուկը:

Նա որոշել էր այդ մասին նորից խոսել մայրիկի հետ: Ինչ լինում է, թող լինի:

Ինքը չի կարող իր ծննդյան օրը տոնել առանց Կառլսոնի:

- Իսկ մեզ ինչո՞վ կհյուրասիրեն, - հարցրեց Կառլսոնը, որի տրամադրությունը սկսում էր բարձրանալ:

- Ամենից առաջ՝ տորթով: Ինձ համար տոնական տորթ կթխեն և կզարդարեն ութ մոմերով:

- Հրաշալի՛ է, - գոչեց Կառլսոնը: - Գիտե՞ս ինչ, ես մի առաջարկություն ունեմ: Չի՞ կարելի քո մայրիկին խնդրել, որ ութ մոմ ունեցող մեկ տորթի փոխարեն թխի ութ տորթ՝ մեկ մոմով:

Մանչուկը չէր կարծում, թե մայրիկը կհամաձայնվի դրան:

- Դու երևի լավ նվերներ կստանաս, - ասաց Կառլսոնը:

- Երևի ինձ երբեք շնիկ չնվիրեն, - հառաչեց Մանչուկը: - Բայց ուրիշ նվերներ, իհարկե, շատ կստանամ: Ես էլ որոշել եմ ամբողջ օրը զվարճանալ և շնիկի մասին բոլորովին չմտածել:

- Եվ, բացի այդ, ես էլ քոնն եմ: Եվ ես ավելի լավն եմ, քան շնիկը, - ասաց Կառլսոնը՝ նայելով Մանչուկին ու գլուխը կախելով:

Մանչուկը պատրաստ էր Կառլսոնի համար ամեն ինչ անել, մանավանդ այժմ, երբ նրանք պիտի բաժանվեին:

- Կառլսոն, - ասաց Մանչուկը, - գիտե՞ս՝ երկու օր հետո ես մեկնելու եմ տատիկիս մոտ և այնտեղ եմ մնալու ամբողջ ամառը:

Կառլսոնը սկզբում մռայլվեց, իսկ հետո լուրջ ասաց.

- Ես էլ եմ մեկնելու տատիկիս մոտ, և իմ տատիկը ավելի է նման տատիկի, քան քո տատիկը:

Նրանց այլևս չհաջողվեց խոսել ո՛չ Կառլսոնի տատիկի, ո՛չ Մանչուկի ծննդյան

տարեդարձի մասին, որովհետև Մանչուկը պետք է շուտ քներ, որպեսզի իր ծննդյան օրը ժամանակին արթնանար:

Հաջորդ առավոտյան Մանչուկն արթնացել և անկողնում պառկած սպասում էր: Նա գիտեր, որ հիմա դուռը կբացվի, բոլորը կմտնեն իր սենյակ՝ բերելով տոնական տորթը և մյուս նվերները:

1. Ի՞նչ կարևոր իրադարձություն պետք է տեղի ունենար մինչ Մանչուկի գյուղ մեկնելը:

Մանչուկի ծնունդն էր նա դառնում էր ութ տարեկան

2. Մանչուկն ինչո՞ւ էր վախենում Կառլսոնին կանչել իր ծննդյան տարեդարձին:

ա) Կառլսոնը չէր սիրում ծննդյան արարողություններ:

բ) **Մայրիկը կարող էր բարկանալ կամ նման մի բան:**

գ) Վախենում էր, որ Կառլսոնն իրեն վատ կպահի:

դ) Կառլսոնը նման չէր մյուսներին:

3. Մանչուկն իր ծննդյան օրը չէր պատկերացնում՝

ա) առանց նվերների

բ) առանց Կառլսոնի

գ) **առանց տորթի**

դ) առանց իր սենյակում բացված սեղանի:

4. Դո՛ւրս գրիր այն նախադասությունը, որը մեզ հուշում է, թե ի՞նչ նվեր էր Մանչուկն ամենաշատը ցանկանում ստանալ:

- Երևի ինձ երբեք չնիկ չնվիրեն, - հառաչեց Մանչուկը:

5. Ավելացրո՛ւ բառեր, որոնք պատասխանեն *ինչպիսի՞*՞ հարցին.

ուրախ ծնունդ

մոտիկ ընկեր

լավ նվեր

արևոտ օր:

6. Մեկ բառով գրի՛ր.

պար գալ-պարել

լաց լինել- լացել

շատ խոսող- շատախոս

արագ վազող- արագավազ

առանց պոչ- անպոչ

7. Ասացվածքները գտի՛ր.

է, ասելը, է, հեշտ, անելը, իսկ, դժվար- ասելը հեշտ է իսկ անելը դժվար է

կանգնի, գերան, գյուղ, կկոտրի – գյուղը կանգնի գերան կկոտրի

փոս, ուրիշի, մեջը, փորոզը, համար, կընկնի, ինքը – ուրիշի համար փոս  
փորոզը ինքը կնկնի մեջը

8. Բառերը բացատրի՛ր.

Ժամացույց- ժամ ցույց տվող առարկա

ձկնորս- ձուկ ռոսացող

ծիրանագույն- ծիրանի գույն

անխիդճ- առանց խիդճ

9. Գրի՛ր հետևյալ բառերին իմաստով մոտ բառեր.

լուսաբաց- արևածագ

խնդրել- աղաչել

ճամփա- ճանապարհ

գեղեցիկ-սիրուն

ճերմակ- սպիտակ

ուրախանալ- գվարճանալ